

Broj: 101- 8014/26 DŽS *DFS*
Zenica, 29.07.2026. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 601-8012-1/26 DŽS od 29.07.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 601-8012/26 DŽS od 29.07.2026. godine u postupku dodjele okvirnog sporazuma za nabavku hidranata i prihvata se preporuka Komisije za nabavke da se okvirni sporazum zaključi sa ponuđačem:

BIHEXO d.o.o.

kao najbolje ocijenjenom ponuđaču, prema ponudi protokolisanom pod brojem: 601-7759/26 od 22.07.2026. godine, za ponuđenu cijenu od 41.945,00 KM bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

III

Za izvršenje ove Odluke zadužuje se Komisija za nabavke, Odjeljenje za pravne poslove i ljudske resurse, te Odjeljenja za komercijalu i finansije u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7256/26 AK od 09.07.2026. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 42.000,00 KM.

Dana 10.07.2026. godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-276-3-127/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 22.07.2026. godine.

Rok za dostavljanje ponuda je bio 22.07.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1.VODOEX d.o.o.

2.BIHEXO d.o.o.

Komisija za nabavku imenovana je Odlukom broj: 101-2841/26 ME od 16.03.2026. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

-Dana 22.07.2026. godine u 12:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama („Sl. glasnik BiH“, broj: 39/14, 59/22, 50/24), sačinivši o tome Zapisnik o otvaranju ponuda.

Dana 23.07.2026. godine Zapisnik sa javnog otvaranja ponuda je ponuđaču BIHEXO d.o.o. dostavljen putem e-maila.

Dana 23.07.2026. godine u 12:00 sati, prilikom otvaranja ponuda u postupku nabavke vijčane robe, Komisija za javne nabavke je konstatovala sljedeće:

Dana 22.07.2026. godine je na protokolu ugovornog organa u 08:35 sati zaprimljena ponuda ponuđača VODOEX d.o.o. Tomislavgrad na kojoj je naznačeno:

„Dostavljanje ponude za:

-Nabavka hidranata

-Nabavka vijčane robe

(ponude posebno upakirane)“

S obzirom da je otvaranje ponuda u postupku nabavke hidranata izvršeno prethodnog dana, tj. 22.07.2026. godine, te uzimajući u obzir da je predmetna ponuda dostavljena u roku za zaprimanje ponuda u postupku nabavke hidranata, ali da je naknadno utvrđeno da je ponuđač VODOEX d.o.o. u propisanom roku dostavio ponudu za predmetni postupak, Komisija za javne nabavke je izvršila otvaranje ponude ponuđača VODOEX d.o.o., te je Zapisnik o otvaranju ponuda u postupku nabavke hidranata dopunjen o čemu su ponuđači obaviješteni putem Dopune zapisnika o otvaranju ponuda, a koja im je dostavljena dana 23.07.2026. godine putem e-maila i putem pošte.

Slijedom navedenog, konstatuje se:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda 0 (nula),
- da je ukupno 9 (devet) ponuđača preuzelo tendersku dokumentaciju sa Portala javnih nabavki.

Komisija za nabavku je dana 29.07.2026. godine direktoru preduzeća dostavila Zapisnik o ocjeni ponuda broj: 601-8012/26 DŽS od 29.07.2026. godine sa preporukom o izboru najpovoljnijeg ponuđača:

Ponuđač VODOEX d.o.o. je dostavio ponudu čija ukupna cijena premašuje iznos procijenjene vrijednosti nabavke.

Nadalje, ponuda nije pravilno numerisana, te ponuđač nije dostavio ovjerene izjave iz člana 45. i 52. ZJN BiH, kao ni ovjerenu kopiju aktuelnog Izvoda iz sudskog registra.

S obzirom da u kataloškim listovima nije naznačeno da se hidranti pakuju u zasebne kutije ponuđač je prema tenderskoj dokumentaciji bio dužan dostaviti potpisanu izjavu na svom memorandumu da će isporučiti hidrante koji su pakovani u pojedinačne kutije, a to nije učinio.

Slijedom navedenog, ponuda ponuđača VODOEX d.o.o. je neprihvatljiva i nepravilna (član 2., tačka 1., stavovi 3. i 1., alineja 2. Zakona o javnim nabavkama BiH, „Sl. glasnik BiH, 39/14, 59/22, 50/24), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 402-7256-1/26 AK od 09.07.2026. godine, a tokom preliminarne pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH”, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljene ponude neprirodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. BIHEXO d.o.o., sa ukupnom cijenom ponude u iznosu od 41.945,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je za nabavku hidranata najpovoljniju ponudu dao ponuđač BIHEXO d.o.o. jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.



DIREKTOR:

Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a